

Processt(ukken) Stad Enschede.

1640

van de Creeft c(ontr)a ergen(amen) **de Laer**.

Folio 1.

(in kantlijn:)

Eexhibite am 10 februwaj 1640 die erfgenamen **Alberte de Laer** versoecken den tidt van een maent ende copije.

Voer die *borgem(eister)e* der stadt Enschede.

1. Erschijnet **Silvester van (de) Creefft**, no(min)e *uxoris*, hebbende gedaaget d' erffgenaemen z(alige) **Alberti de Laer** en(de) repetert d' ansprake den 2-de decemb(ris) lestleden then prothocolle up desolve(n) erffgeaemen gedaen, concluderen dat desolve(n) sollen verdammet worden aen comparanten no(min)e qui supra tho betalen de somma van tachtentich goltg(ulden) met d' achterstendige pensiones en(de) die kosten bij misbetalinge gedaen en(de) noch tho doen thot dat die betalinge vollenkomentlijck saall zijn geschet.

2. Accepterende pro confesso dat die vors(chreven) erffgenaemen d' obligatie darvan zijnde en(de) hijrbij gaen(de) p(er) copiam net hebben kunnen ontkennen consequentlijck die penningen darinne [geraeten] sollen moeten namptiseren* nae lantrechte pte 1a tit. 14 art(icul)o 4°.

* = borg stellen

3. Warvan heur luyden net kan excuseren dat zij, comparanten, hoewell beter wetende net heller noch penninck schuldich kennen en(de) dat die pennigen sollen staen upt onderrichter ampt quod omni meliori modo acceptatur als zijnde t' solve ock in d' obligatie clarlijck vermelt, tanquam ca(us)a debit qua non expressa obligatio de [itro] esse nulla.

4. Weshalven gedaegeden *vaeder* z(alige) en(de) zijn *huijsfroue*, als zijnde met het solve(n) onderricht ampt

Folio 2.

domals verseen gewest en(de) d' administratie net hebben kunnen sonder erst sodaene penningen aen zijn predecessor # offte dessolven erven # die pantholder erst betalet tho hebben.

5. Weshalven hij darvan obligatie passeren moeten en(de) fastlijck beloeven ~~aen~~ desolve penningen tho verrenten en(de) upt ges[aent] van(de) crediteur de capitalen afftholesen sijch en zijn erffenaemen dartho vebijndende.

6. Sonder dat hij sich vorbeholden dat hij sulx net schuldich sooll zijn, wan hij vant onderrichter ampt stoell zijn ontsettet offte t' solve quitert.

7. Omme dat hij an sulchen faall zijnen successoren hadde moogen [soechen] en(de) sich betalen laeten off verwijssinge nhemen als d' erffgeaemen van zijn predecessor gedaen hebben, moet en(de) handt houdt waeren naer rechten.

8. Koemen(de) den comparanten **Creefft** en zijn *advocat* weell frembt voer dat zijn wederpart **Berent de Laer** hebben geantwert then princepaall en(de) also laten contesteren darff sustineren d' ansprake verlaeten tho hebben, dat hij den 20 feb(ruarij) als deselven then principaall geantwert, net compareert en(de) even well net contumaciert, als net geweten hebben, domals d' erste recht dach tho zijn.

Folio 3.

9. Weshalven hij den achten dach darnae gecomparert en(de) ~~ten~~ copiam versocht [vanu selve acterent] net anders weten(de) als dat het d' erste rechte dach was, zijnde sulx gescheet nach lange bij clijmmende sone oversulx net heeft kunnen contumacert worden, lantrecht pt 1^o art(ikel) 9^o [libe3.]

10. Ock int requeste net verstaen van zijne gedaene ansprake eenen affstant gedaen tho hebben.

11. Twelck teenemall een abuijs van (de) *borgem(eester)e(n)* die sijck veell groter geabusert dat zij gh(gemelt)en onderscheijt weten tho maecken tusschen Kerksmesse en(de) Passchen relatio thot het prothecoll.

12. Hebben(de) **Berent de Laer** illorum *secretarius* tijdt geneemen thot den erste rechte dach naer Passchen en sonder denselven tho specificeren quod est ridiculum et [sempere] mirandum*.

* = verwonderlijk

13. Kan sulx in *secretario* excusert werden is comparant veell meer t' excuseren dat # hij net geweest # deselve rechte dach gedeent tho hebben den 20 jan(uarij) 1640, zijnde een uthersche.

(in kantlijn:) cl.

Met welcken allen cleger zijn intendit* genochsam gefundert en(de) wederzijts antwort en(de) ingestrojede beselinge debattert zijnde, concludert alnoch dat gedaegede als erffgenaeme van haeren *vaeder*

* = eis

Albertus de Laer sollen verdamet werden die agresserde obligatie voll tho doen en(de) die 80 goltg(ulden) cum interesse et expensis tho betalen off deponeren.

Cum imploratione [prout
joris] ao stili, sulx stellen(de)
tho kennisse eens onpartijschen.

Alb(ertus) van Tongeren st subs(cripsit)

Folio 4.

Resumptie der anspraken en(de) respective replijck ten principall
voer

Sijlvester van (de) Creefft, no(min)e *uxoris* anlegger en(de) resument
tegens
die erffgenaemen z(alige) **Alberti de Laer**, gedaegede en(de) beclachte.

Folio 5.

Copia.

(in kantlijn:) **Roelvink.**

Ick, **Albertus die Lahr**, itziger tidt *underrichter* tho
Enschede, **Fenna**, meine ehelike *huiszfrauwe*, doen
kunt und bekennen in und avermidtz desen certifice-
rende woe dat wij schuldich sinnen der erbahren
und doegentsahmen **Aelken Nieters**, die summa van
tachtentich golden gulden, 't stuck tot acht und twintigh
stuver, van vifftien plaecken current gerekenet, die
welcke pennungen oer zallig(en) *vaeder* op dat vorge-
noempte *underrichter* ampt hefft liggende gehaedt
und wij dieselvige ahn uns genahmen und bij ehr,
trouwe und geloeve vastelick belaven tho bethalen
mit dem bescheide, dat wij offte unse erffgenahmen,
der vorgenoemften **Aelken** offte haeren erffgenamen
van die vorbenoempte summa jahrlix und alle jahr
up Sunte Johannis midt sommer, vertein dage voer
offte nah unverhalet ter pensioen geven und wall
bethalen sollen, viff derselven guldens, und ein ordt.
Vorbeholden, dat die eine den anderen die loesze ein
verendeill jahrs tho bevohren sall upkundigen moegen,
und sollen wij offte unse erffgenahmen nah sodanen
upsaegen schuldich und gehalten sijn, up dem bestijmbden
termijens dagh jedoch viertein daegen voer offte
nah unvorhalet der vorgenoemften **Aelken** offte
haeren erffgenahmen die genoempte tachtentich
golden gulden van wehrden woh vorg(emelt) ahn golden
und silveren pajmente, so in tidt der loesze guidt
und ganckbahr is, oick mede mit aller vorlopener
pensionn wedder tho geven und tott oeren willen
tho bethalen. Bij gebreeck der miszbetalinge sall
Aelken vorg(enoemt) offte haere erffgenahmen so
woll die vorbenoempte hoebet summa alsz die
pensionen, sampt allen daerbi geledenen hinder
und schaeden ahn uns und ahn unseren allingen

Folio 6.

guideren, bewechliken und unbewechliken, die wij
nuh ter tidt hebben offte nahmaelsz dorch den

willen Goedes allnoch vorkreigen mogten, nictes
daervan uthbescheiden, sall vorhaelen moegen. Desz
ter oierkunde und in getuchnisze der warheitt
hebbe ick, **Albertus de Laehr**, *underrichter*
vorg(emelt) diese handtschrift vor mij, vor meiner *huusz-*
frouwen unnd unser beiden erffgenahmen mit
solvest handt mit nahmen und tho nahmen geschreven
unnd unterschreven. Actum unde gegeven den dreij
unde twintigsten junij, anno vifftein hundert
sesz unde tachtenetigh (23-6-1586).
Albertus de Laer, underrichter, manu propria.

Folio 7.

Resumptie der ansprake en(de) eventuall replijck ten principaall
voer

Sijlvester van (de) Creefft, no(min)e *uxoris* anlegger en(de) resument
tegens

D' erffgenaemen wilen **Alberti de Laer**, gedaegede.

A(nn)o 1640.

Personen:

Creefft,	2,
Creefft, van de,	o,
Creefft, Si(j)lvester van de, x,	1,4,7,
Laehr, Albertus de, underrichter,	6,
Laer, de, +,	o,
Laer, Alberte de, +,	1,

Laer, Alberti de, +,	1,4,7,	
Laer, Albertus de, +, vader van Berent, onderrieter,		3,6,
Laer, Berent de, secretarius,	2,3,	
Lahr, Albertus die, onderrieter te Enschede, x Fenna,		5,
Lahr, Fenna die, x Albertus,	5,	
Nieters, Aelken,	5,	
Roelvink,	5,	
Tongeren, Albertus van,	3,	

Plaatsen:

Enschede,	1,5,	
-----------	------	--